

*Otro luna Faro ta cumpli 100 aña***E fundacion Rancho ta spera un renobacion diligente**

ORANJESTAD - Entran- te otro luna un monu- mento historico di nos pais ta celebra su 100 aña di existencia. Ta trata di un gigante cu pa 10 deca- da a compania nos piscadonan y tambe ta manda señal pa e barconan cu ta nabega den lama bruto cerca di nos costa, ta trata di El Faro na Westpunt.

Na luna di september awor net 100 aña pasa a wordo haci e solicitud pa construi Faro di Aruba cu a cende su luz pa prome biaha na aña 1916. Y ainda aunke su behes y su structura deteriora ta sigui realiza su trabou di ilumina y guia e nabegantenan.

Fundacion Rancho

Pa sr. Clifford Rosa kende ta director di e fundacion Rancho, a bisa, e toren di Faro tin un gran balor y importancia no solamente historico, sino sentimental pa e Ranchero- nan. Como fundacion cu a percura di preserva e recu- erdo, tradicion y cultura di e Rancho. Sr. Clifford Rosa a laga sa tambe cu ta existi un conexon fuerte entre e Faro y habitantenan di Rancho relaciona cu e actividad di piscamento.

Pero tin mas motibo, otro motibo tabata cu mayoria di e hendenan cu a yega di traha den e Faro ta Ranchero di pura sepa. Haciendo uzo di nan experiencia inherente riba e parti maritimo, e Ran- chero tabata wordo contrata pa traha den e Faro riba e parti tecnico cu e traha- donan di waf mester haci e tempo aya. "Mirando e con-



texto maritimo di Rancho, ta su hendenan a traha eynan", asina sr. Rosa a declara na Bon Dia Aruba.

Historia

Sr. Rosa a elogia e trabou bibliografico cu sr. Romulo Fingal a haci den su buki dedica exclusivamente pa rescata e historia di e Faro na Westpunt. Sr. Fingal ta e ultimo yiu di e cuidado di e

toren, yama tambe "Califor- nia Lighthouse". El a wordo construi di piedra den forma di ocho banda y un altura di 30 meter y ta ubica cerca di e beach di Arashi. El a haya su nomber debi na e barco Mer- icano yama California cu a sink na september 23 di 1891 cerca di e sitio unda e monu- mento aki a wordo lanta. Dos decada despues un arkitekto Frances a traha e diseño di e

toren aki cu actualmente ta den un condicion deplorabel y peligroso pa esunnan cu ta bishita e sitio turistico aki. E construcion mes di Faro a cuminsa na 1914 y a tuma 2 aña pa caba cu e construc- cion. El a wordo construi cu piedranan di calichi haya den e cercania mes y su parti ariba a wordo construi di metal cu awor ta completamente frus- tia.

E Faro a wordo traha mane- ra un sistema di alerta pa e barconan cu tabata acerca e costa di Aruba. Prome e Faro tabata habri na publico loke tabata un bunita experi- encia pa subi bay ariba. Pero un hecho tragico a sosode loke a

haci cu e autoridadnan a re- stringi e acceso di publico na dje. Sr. Rosa a bisa cu pa e fundacion Rancho, e historia di e Faro mes ta hopi impor- tante. No solamente e his- toria en general, pero e parti tecnico tambe. Igualmente el a destaca cu den e buki di sr. Romulo Fingal, e hende- nan interesa riba historia di e Faro ta haya hopi contesta na nan curiosidad. A base di e buki menciona Fundacion Ran- cho ta haya cantidad di con- testa ora cu nan ta bay papia di e Faro cerca e muchanan di scol, asina sr. Rosa a laga sa na Bon Dia Aruba.

Renobacion

E Faro mester di un ciru- gia di reconstrucion pa por haya su splendor bek di e tempo di su hubentud. Fun- dacion Rancho a yega di traha estrechamente cu fun- dacion "Monumentenfonds" pa rescata e monumento aki prome cu e bay perdi.

Den e direccion pa logra un renobacion di e joya arki- tectonico aki, sr. Rosa a in- dica cu nan a participa den un prome fase pa bin cu un proposicion pa gobierno cu ta e doño di e monumento aki. Sr. Rosa a declara cu e proposicion no solamente tin di haber cu e posibilidad di renoba e Faro, sino di bin cu un mehoracion di e area teniendo na cuenta e aspecto turistico di e sitio. Mirando unda e ta ubica, e luga aki a bira e punto mas conoci di Aruba. For di ey nan tin un bista masha bunita di un gran parti di e isla y hopi hende ta subi tur dia pa admira e bunita bahada di solo. □